

Kunlardan bir kuni kechqurun charchab-horib, ruhim cho'kib uyg'a qaytayotgan edim, professor (shunday deyishadi, biroq qanday professorligi nomalum) Skyassi oldimdan chiqib qoldi. Bu odamni men ko'pdan buyon bilaman. Turli joylarda tez-tez va kutilmaganda ko'rinish berib qoladi. O'zi uqtirishicha, biz gimnaziyada birga o'qigan emishmiz. Biroq, to'g'risini aytSAM, buni men eslayolmayman.

Kim o'zi u? Nima ish qiladi? Hech qachon buning tagiga yeta olmaganman. Uning ozg'in-qotma, yovqur yuzi bilan miyig'idagi istehzoli tabassumi... Biroq eng o'ziga xos jihat shundaki, u har qanday odamda "Men bu kishini qaerdadir ko'rganman degan yanglish tasavvur uyg'otadi. Bazilar uni afsungar deb qatiy ishonishadi.

- Qalay? - so'radi u mendan taomildagi salom-alikdan so'ng. - Haliyam yozyapsanmi?
- Boshqa nimayam qila olardim, - dafatan nochor-notavon holimni his qilib yelka qisdim.
- Nima, joningga tegmadimi? - hujumni kuchaytirdi u. Ko'cha chirog'ining xira yorug'ida yuzidagi masxaraomuz kulgi ko'rini turar edi. - Bilmayman, men bazan o'ylab qolamanki, go'yo siz yozuvchilar kundan kunga hech kimga kerak bo'lmay qolyapsizlar. Nafaqat yozuvchilar, balki rassomlar, haykaltaroshlar, bastakorlar ham. Quruq ovoragarchilikka, shunchaki o'yinga o'xshaydi. Nima demoqchi bo'layotganimni tushunyapsanmi?

- Tushunyapman.

- Yozuvchilar, rassomlar va shu kabilar, hammalaringiz etibor qozonishni istab tuturiqsizroq va chalkashroq yangilikni kashf qilishga jon-jahdingiz bilan urinasizlar. Muxlislarinǵiz o'zi ko'p emas, borlarining ham ko'ngillari sizga nisbatan tobora sohib ketyapti. Odamlar aytmoqchi bo'layotgan gaplaringizni qariyb mutlaqo eshitmay qo'yyapti. Kunlardan bir kuni, ochig'inı aytganim uchun kechirasan, sizlar o'zlarinǵizni sahroning qoq o'rtaSIDA ko'rasisizlar.

- Bo'lishi mumkin, - dedim men itoatkorlik bilan.

Biroq Skyassi, aftidan, meni qiynameqchiga o'xshardi.

- Menga yana shuni ayt-chi, masalan, sen biron mehmonxonaga kirganingda oti-zoting bilan kasbi-koringni so'rashdi deylik. O'shanda sen "yozuvchiman deb javob qaytarganingda, bu senga allanechuk bemanidek tuyulmaydimi?
- Ehtimol, - dedim men. - Frantsiyada unday emasdир, lekin bizda aynan shunaqa.
- Yozuvchi, yozuvchi! - oshkora kalaka qildi u. - Nima, sen hali o'zingni jiddiy qabul qilishlarini istaysanmi? Bizning dunyomizda yozuvchi deganlari kimga nima uchun kerak?.. Mug'ombirlik qilmay yana bir gapni ochiq ayt-chi... Sen kitob do'koniga kirib, rastalarga qaraganingda...

- Devorlar bo'ylab to shipga qadar tizilishib turgan turli-tuman kitoblar, keyingi oylarning o'zidayoq yorug'lik ko'rgan minglab-minglab kitoblar... shularga ishora qilayotgan bo'lsang kerak, a?.. Qurab turib, bularga qo'shimcha men ham yana bir kitob yozyapmanmi deb o'ylayman-da, qo'lim ishga bormay qoladi. Bir necha chaqirimga cho'zilib ketgan, tog'-tog' bo'lib uyulib yotgan sarxil mevalaru sabzovotlarga boy ulkan bozorda so'ligan sabzini sotish umidida turgan bolakayga o'xshataman o'zimni...

Dilingdagini topdimmi?

- Xuddi shunday! - Skyassi masxaraomuz tirjaydi.
- Hayriyatki, - etiroz bildirishga jurat qildim, - o'qiydiganlar hali bor, bizning kitoblarni sotib oladiganlar yo'q emas. Shu payt, tabir joiz bo'lsa, qadrdom andak engashib, poyabzalimni sinchiklab ko'zdan kechira boshladi.
- Yaxshi etikdo'z oshnang borga o'xshaydi-ya?

Xudoga shukur, o'yladim o'zimcha, har qalay, suhbatimiz boshqa mavzuga ko'chdi-ku. O'zing haqingdag'i achchiq haqiqatni eshitishdan og'irroq nima bor bu olamda?

- Ajoyib usta! - bajonidil javob qildim men. - Qo'li gul usta. Shunaqangi yaxshi, shunaqangi pishiq-puxta tikadiki, tikkani hech to'zmaydi-da!

- Yasha! - xitob qildi bu ablah. - Garov o'ynaymanki, u sendan kamroq pul topadi.

- Ehtimol.

- Nima, seningcha bu o'taketgan mantiqsizlik emasmi?

- Bilmadim, - javob qildim men. - To'g'risini aytSAM, men bu xususda o'ylab ko'rмагan ekanman.
- Meni to'g'ri tushun, - battar avj qildi Skyassi, - sen yozgan hamma narsalar menga mutlaqo yoqmaydi demoqchi emasman, yo'q, shaxsan senga hech bir etirozim yo'q. Biroq sen va senga o'xshagan minglab odamlar o'z umrlaringizni hayotda hech qachon bo'lмагan tarixlarni yozib o'tkasizlar. Buning ustiga, ularni yorug'likka olib chiqadigan noshirlar ham topila qoladi. Sotib oladigan odamlar ham topiladi. Sizlar shu yo'l bilan dasta-dasta pul topasizlar. Gazetalar ular haqida yozishadi. Munaqqidlar ularga son-sanoqsiz tadqiqotlarini bag'ishlaydi. Bu tadqiqotlar ham o'z navbatida nasr etiladi-da, do'konlarda muhokama qilinadi... Birinchi satridan to oxiriga qadar bichib-to'qilgan uydirma tarixlar! O'ylaymanki, hatto sening o'zingga ham bularning bari o'taketgan aqlsizlik bo'lib tuyulsa kerak? Tag'in bu atom bombalari-yu, suniy yo'ldoshlar asrida!.. Seningcha, bu masxaravozlik hali uzoq davom etadimi?

- Bilmadim. Balki sen haqdirsan, - dedim men, yuragim misli ko'rilmagan darajada huvillab.

- Xo'sh, o'zing ayt, sizlar kimga keraksizlar? - tantana qildi Skyassi - Adabiyot, sanat - chiroqli, balandparvoz so'zlar! Ammo bizning davrimizda sanat ham ovqat, atir, sharobga o'xshagan oddiygina kundalik istemol mahsulotlaridan boshqa narsa emas. Bugungi kunda odamlarni qanday sanat qiziqitirayti? Qanday shiddatli to'lqin ustimizga bostirib kelayotganini o'zing ko'rmayapsanmi?.. Yengil-elpi qo'shiqlar, shershalar, shovqin-suron, dod-voy, oldi-qochdi! Mana, shon-shuhrat qaerda! Mana, aqallli seni olib qaraylik: aqlli narsalarini yozasan. Hatto zo'r narsalar deyish mumkin. Biroq omad haqida gapiriladigan bo'lsa, bu borada eng istedodsiz jaz qo'shiqchisi seni bir cho'qishda ochiradi. Odamlarga qo'pol bo'lsa-da, ayni lahzalarda bevosita hissiy qoniqish paydo qiladigan narsalar kerak, darrov, bir lahzalik, tushundingmi? Shunday narsalarki, toki zig'ircha ham kuch sarflanmasin, ortiqcha zo'riqilmasin, mutlaqo bosh qotirilmasin.

Men gaping to'g'ri degan manoda bosh irg'ab turdim, xolos. Etiroz bildirishga na kuchim, na dalilim bor edi. Biroq Skyassiga bu ham kam edi.

- Bundan qirq yilcha avval sanatkor taniqli shaxs bo'lishi mumkin edi. Biroq endiga kelib... Agar qandaydir eski-tuski, almisoqdan qolgan narsalarga o'zlarini omon saqlab qololmasalar. Masalan, deylik, Xeminguey, Stravinskiy, Picasso, bobolarimiz bilan bobokalonlarimizning yaratganlari... Yo'q-yo'q, siz allaqachon yutqazib bo'lgansiz... Sen abstrakt sanat ko'rgazmasida bo'lganmisan? Uni munaaqqidlar qanday tushuntirishlarini o'qiganmisan? Safsata, uchiga chiqqan safsata! Amal-taql jon saqlab

This is not registered version of TotalDvdConverter
 qolgan bo'yodigan narsalar, tag'indan zamonaviy qolgan bo'yoqlarini million, hatto ikki millionga sotishni uddalashganlariga hayron qolasan kishi. So'nggi alahsirash bu, men senga aytsam, o'lim oldidagi jon talvasasi bu! Siz sanatkorlar bir tomonga qarab ketyapsizlar, kitobxon bilan tomoshabin bo'lsa, butunlay qarama-qarshi tomonga ketyapti. Bundan chiqdi, bir-biringizdan tobora uzoqlashyapsizlar. Shunday kun keladiki, o'ttalarin gizdagagi masofa shu qadar olis bo'ladiki... Siz qanchalik baqirib-chaqirib ayuhannos solmang, lekin bironta it sizning ovozingizni eshitmaydi.

Ayni shu topda goho sodir bo'lib turadigan voqeа ro'y berdi: iflos ko'cha bo'ylab nimadir yelib o'tdi. Nimaligi noaniq - mayin shabada emas, chunki havoda hech bir o'zgarish sezilmadi, muattar atir isi emas, chunki atrofimizda o'sha-o'sha benzin va yana allambalo achimsiq narsalar hidi anqirdi, yoqimli kuy emas, chunki mashinalar shovqinidan boshqa hech nima eshitilmas edi. Nimaligi nomalam - muqaddas tuyg'ular va xotiralarning junbishga kelishimi, qandaydir izohlab bo'lmaydigan bir sir-sinoat.

- Lekin baribir... - dedim men.

- Nima "lekin baribir? - Skyassining yuzida zaharxanda zuhur bo'ldi.

- Lekin baribir biz qo'limizdan kelgancha yozayotgan tarixlarni hech kim o'qishni xohlamay qolganida, ko'rgazmalar butkul kimsasiz bo'lib huvillab qolganida, cholg'uchilar o'z asarlarini bo'm-bo'sh o'rindiqlar qatorlariga ijro etganlarida ham... ana o'sha taqdirda ham bizning ijodimiz... yo'q, men o'zim haqimda emas, men qilgan ish bilan shug'ullanadiganlar haqida...

- Qani-qani, namuncha bo'shashmasang! - istehzo bilan qitiq patimga tegishda davom etdi birodarim.

- Shuni bilib qo'yki, sen aytayotgan o'sha tarix, rasm, musiqa, boshqa ahmoqona, tushunarsiz va foydasiz narsalar hamisha insoniylikning eng oliy ifodasi, asl umumbashariy qadriyatlar bo'lib qolaveradi.

- Qo'y, meni qo'rqitma! - xitob qildi Skyassi.

Lekin men, bilmadim, nima uchun, endi o'zimni to'xtata olmas edim. Ich-ichimda toshayotgan isyon tashqariga yo'l qidirar edi.

- Ha-ha! Mayli, sen buni ahmoqlik deb hisoblapping mumkin, biroq haqiqiy sanat hamisha bizni moldan farqlab turuvchi narsa bo'lib qolaveradi. Bu yerda foydasiz ekanligi ahmiyatli emas. Ehtimolki, butkul foydasizligi uchun ham bizga juda-juda kerakdir. Atom bombasi, suniy yo'doshlar, yulduzlarB-Baro raketalardan ham ming karra kerakroq! Ayni shu ahmoqlik butkul tugab bitgan o'sha qaro kunda odamlar ibtidoiy jamaoa davridagidek ayanchli bir mahluqqa aylanib qoladilar. Chunki chumolilar ini bilan eng yangi texnikaning har qanday mo'jizasi o'ttasidagi masofa chumolilar inini insoniy jamiyatdan ajratib turuvchi masofaga nisbatan ming karra qisqaroq!..

- Sen, masalan, o'n satrlik almoysi-aljoyi syurrealistik sherni nazarda tutyapsanmi? - achchiq kulib so'radi Skyassi.

- Ha, hattoki bir qarashda mutlaqo aqlga sig'maydigan, hatto besh satrlik sherni ham nazarda tutib atyapman bu gapni! Muhimi - odam bolasining yozish ishtiyoyqida, bu ishidan biron natija chiqadimi-yo'qmi - bu u qadar muhim emas. Ehtimol men adashayotgandirman, ammo faqatgina shu yo'lda najot bor. Agarda...

Ana shunda Skyassi og'zi qulog'iga yetgudek xursand bo'lib uzoq kuldil. Qiziq, bu kulgisi endi mutlaqo yoqimsiz emasdi. Men taajjubdan dong qotib qoldim.

U yelkamga qattiq qoqib qo'ydi:

- Ana endi o'zingga kelding, tentakvoy.

- Tushunmadim, nima demoqchisan? - ajablanib so'radim men.

- Hech nima, hech nima, - javob qildi Skyassi va ozg'in-qotma yuzi qandaydir ichki bir yorug'likdan nurlanib ketdi. - Qarasam, hamma narsadan hafsalang pir bo'lib bo'shashibgina kelyapsan. Go'yo hech nimaga ixlosing qolmagandek. Shuning uchun seni qattiqroq bir silkitib ko'rgim keldi-da.

Haq-rost. Nima bo'lganda ham, men o'zimni butunlay boshqa odam deb his qilmoqda edim: bir qadar emin-erkin, o'ziga ishonchi mustahkam... Men tamaki tutatgunimcha Skyassi ruhdek dafatan ko'zdan yo'qoldi.

Rus tilidan Otauli tarjimasi

"Sharq yulduzi jurnalining 4-sonidan olindi.